


La Bib pou ti moun prézanté

Pyè ak puisans lapriyè



Ékri pa : Edward Hughes

Ilistré pa : Janie Forest
Alastair Paterson

Adapté pa : Ruth Klassen

Tradwi pa : Ausky Salomon

Pwodwi pa : Bible for Children
www.M1914.org

©2025 Bible for Children, Inc.

Lisans : Ou gen dwa pou copyé o swa fè fotocopi istwa sa,
dépi sé pa pou van-n ou fè li.

Apot Pyè te
vwayaje nan
tout peyi a pou
li pale de Jezi.



Yon jou, nan yon vil
yo rele "Lydde", li te
jwenn yon nonm ki
te paralize epi ki
te kouche sou yon
kabann pandan uit an.
Pyè di li : "Jezikri
geri w. Leve kanpe,
ranje kabann ou."
Epi nonm nan te leve
menm lè a.



Tout moun nan vil la te wè sa, epi yo te konvèti vin jwenn Senyè a.

3




Nan vil Jope, pèp la te tris. Yon kreyèn ki te rele Dòkas te fèk mouri. Zanmi li yo ki te nan lapenn te prepare kò li pou antèman an, epi yo te mete li nan yon chanm anlè.

4




Men, zanmi Dòkas yo te aprann Pyè te nan zòn nan. Yo te rele l pou l vin Jope san pèdi tan. Lè li te rive nan chanm nan, vèv yo te montre tinik ak rad Dòkas t ap fè yo. Yo tout t ap kriye.

5




Men, Pyè te fè tout moun soti, li te mete ajenou, epi li te priye. Li te vire gade kò a, li di : "Dòkas, leve !" Dòkas louvri je li, lè l te wè Pyè, li te leve chita.

6



Pyè lonje men l ba li, li fè l kanpe. Apre sa, li te rele sen yo ak vèv yo, epi li te prezante yo l vivan. Tout moun Jope te vin konnen sa, epi anpil moun te kwè nan Senyè a.

7



Pyè te rete pandan yon ti tan Jope, nan yon kay bò lanmè a. Yon jou li te monte sou do kay la pou l priye. Si li te gade padèyè

miray vil la, li ta wè twa vwayajè k ap vin jwenn li.

8

Mesye sa yo se te sèvitè yon ofisyè wòmen ki te rele Kònèy, epi ki t ap adore Bondye. Li te voye sèvitè l yo kot Pyè paske yon zanj te di l



nan yon vizyon :
"Fè Pyè vini. Li rete lakay yon bòs tanè. Li ava di w sa pou w fè."

9


Pandan Pyè t ap priye sou do kay la, Bondye te voye yon vizyon ba li. Li te wè yon bagay tankou yon gwo nap ki t ap desann atè a, kote ki te gen bèt ak zwazo yo.



Pyè te di yo pa te sen, poutèt sa Jwif yo pa te dwe manje yo. Yon vwa te di li :
"Leve, Pyè, touye epi manje."

10

Men, Pyè te di : "Non, Senyè, paske mwen pa te janm manje anyen ki pa pwòp oswa ki pa sen." Yon dezyèm fwa, yon vwa te di li : "Sa Bondye te di ki sen, pa wè l tankou yon bagay ki pa sen." Sa te rive twa fwa, epi apre sa, bagay la te monte nan syèl la.




11

Pyè pa te konprann siyifikasyon vizyon an. Pandan li t ap reflechi, Lespri a te di l twa mesye t ap mande pou li, epi li te dwe desann. Lè twa mesye yo te di Pyè yon zanj te di Kònèy pou l vin chèche li, Pyè te rekonèt mesaj Bondye a. Nan demen, li menm ak sis zanmi l te ale lakay Kònèy.




12

Pandan li t ap mache al lakay yon moun ki pa te yon Juif, Pyè te kòmanse konprann Bondye renmen tout pèp yo — Bondye vle pou tout nasyon yo rekonèt Jezi se Sovè mond lan. Lè Pyè te rive, Kònèy te tonbe ajenou nan pye l epi li te pwostène devan l.




13

Pyè te leve l epi li di l : "Leve, mwen menm tou mwen se yon nonm." Apre sa, li di moun yo nan kay la : "Nou konnen yon Juif pa gen dwa mele ak yon etranje, ni antre lakay li."



14

"Men, Bondye te aprann mwen pou m pa gade okenn moun kòm moun ki sal oubyen enpi."



15

Pyè di moun ki pa Jwif sa yo Jezi se Pitit Bondye, ki te mouri sou kwa a epi ki te resisite pou li te vin Sove mond lan. Lè sa a, Sentespri a te desann sou yo, epi yo te kòmanse ap fè lwanj pou Bondye. Sis zanmi jwif Pyè yo te sezi. Se te tankou jou lapannkòt la. Don Sentespri a te desann sou payen yo tou. Apre sa, Pyè te batize nouvo kwayan



16

Nan Jerizalèm, kretyen yo te repwoche Pyè paske li te vizite payen. Lè sa a, Pyè te rakonte yo vizyon li te fè a ak vizyon Kònèy la. Lè yo te tande sa, kretyen Jerizalèm yo te sispann pale. Epi yo te fè lwanj pou Bondye, ki te montre Legliz la, atravè lapriyè, lanmou Bondye se pou tout moun.



17

Pyè ak puisans lapriyè


Yon istwa soti nan pawòl Bondyé-a, la Bib,

Nap jwen-n nan

Travay Apot yo 9-12

"Pawòl Bondyé poté limyè."
Sòm 119 : 130

18



57



60

19

Istwa bibliik sa rakonté nou kòman ké gen yon mèvéyé Bondyé ki kréyé nou é ki vlé pou ou konnen Li tou.

Bondyé konnen ké nou fè mové aksyon ki rélé péché. Pinisyon pou péché sé lanmò. Sèlman Bondyé renmen nou si tèlman ké Li voyé sèl gren-n pitit Li-a Jézi, ki mouri sou lakwa pou nou, dékwa pou Li sa péyé dèt péché nou yo pou nou. Apré sa Jézi té résisité, é Li monté nan syèl la ! Ou men-m tou, si ou kwè nan Jézi é si ou mandé Li ak tout kè-w pou Li padoné péché ou yo, L'ap fè sa pou ou ! L'ap rantré nan lavi-w touswit é wap maché avèk Li pou tout tan.

Si ou kwè ké sa ou fèk sot tandé-a sé la vérité, résité priyé sa : "Sényè Jézi, mwen kwè ké ou sé pitit Bondyé, mwen kwè ké ou té mouri pou mwen épi ou résisité ankò. Tanpri, rantré nan lavi mwen, padoné péché mwen yo, pou mwen sa gen yon nouvo lavi kounyé-a la, konsa lè gran jou-a va rivé, m'a va abité avè-w nan rwayòm ou an pou l'éternité. Édé-m obéyi-w é édém viv pou ou an tan ké pitit ou. Amèn.

Li La Bib ou épi palé ak Bondyé chak jou ! Jan 3 : 16

20